

গণপ্রজাতন্ত্রী বাংলাদেশ সরকার
উপজেলা নির্বাহী অফিসারের কার্যালয়
রাজবাড়ী সদর, রাজবাড়ী।
www.sadar.rajbari.gov.bd

রাজবাড়ী সদর উপজেলার আগস্ট/ ২০২২ মাসের আইন শৃঙ্খলা কমিটির সভার কার্যবিবরণী।

সভাপতি : মার্জিয়া সুলতানা
উপজেলা নির্বাহী অফিসার
রাজবাড়ী সদর, রাজবাড়ী।
তারিখ : ১১/০৮/২০২২ খ্রি:।
সময় : সকাল ১১.০০ ঘটিকা।
স্থান : উপজেলা পরিষদ মিলনায়তন।

সভায় উপস্থিত সদস্যবৃন্দের তালিকা পরিশিষ্ট 'ক' তে দেখানো হলো।

সভাপতি উপস্থিত সম্মানিত সকল সদস্যকে শুভেচ্ছা জানিয়ে সভার কাজ শুরু করেন। তিনি সকলকে সামাজিক দূরত্ব বজায় রেখে ও বাধ্যতামূলক মাস্ক ব্যবহার করার আহবান জানান।

০২. বিগত সভার কার্যবিবরণী পাঠ ও অনুমোদন : বিগত সভার কার্যবিবরণী পাঠ করে শুনানো হয়। কার্যবিবরণীর ৬.৩ নং অনুচ্ছেদের “রাজবাড়ী সরকারি আদর্শ মহিলা হোসেন কলেজ” এর স্থলে “রাজবাড়ী সরকারি আদর্শ মহিলা কলেজ” প্রতিস্থাপন পূর্বক সর্বসম্মতিক্রমে দৃষ্টিকরণ করা হয়। অতঃপর জুন/২০২২ ও জুলাই/২০২২ মাসের তুলনামূলক অপরাধ চিত্র সভায় পর্যালোচনা করা হয়।

০৩. উপজেলার অপরাধ প্রবণতা : জুন/২০২২ ও জুলাই/২০২২ মাসের তুলনামূলক অপরাধ চিত্র নিম্নের ছকে দেখানো হলো :

মাসের নাম	ক্র. নং	ধরন	ডাকাতি/রাহাজানি	চুরি	বিশেষ ক্ষমতা	অস্ত্র উদ্ধার	জুরা আইনে মামলা	নারী ও শিশু নির্যাতন	প্রতারণা/মানবপাচার	মামলা	মাদক মামলা	বিক্ষেপক মামলা	সড়ক দুর্ঘটনা	অন্যান্য	মোট	সংখ্যা
জুলাই/২০২২	-	-	-	০৪	-	-	-	০৪	-	১১	-	০১	১৭	৩৭		
জুন/২০২২	-	-	০১	০৫	-	০১	-	০৯	-	১৯	-	০২	২২	৫৯		
	হাস	-	হাস	হাস	-	হাস	-	হাস	-	হাস	-	হাস	হাস	হাস		

উক্ত তুলনামূলক তথ্যাদি পর্যালোচনায় দেখা যায়, জুন/২০২২ মাসে ডাকাতি/রাহাজানি ০১, চুরি- ০৫টি, নারী ও শিশু নির্যাতন অপরাধ-০৯টি, মাদক মামলা -১৯টি, সড়ক দুর্ঘটনা ২টি ও অন্যান্য-২২টিসহ মোট ৫৯টি ও জুলাই/২০২২ মাসে চুরি-০৪টি, নারী ও শিশু নির্যাতন অপরাধ-০৪টি, মাদক মামলা -১১টি, সড়ক দুর্ঘটনা-০১টি ও অন্যান্য-১৭টিসহ মোট ৩৭টি অপরাধ সংঘটিত হয়েছে। উপজেলার সার্বিক অপরাধ প্রবণতা জুন/২০২২ মাসের তুলনায় জুলাই/২০২২ মাসে হাস পেয়েছে।

সিদ্ধান্ত : রাজবাড়ী সদর উপজেলার সার্বিক অপরাধ পরিস্থিতি নিয়ন্ত্রণে রাখার লক্ষ্যে প্রয়োজনীয় আইনানুগ ব্যবস্থা গ্রহণে তৎপর হতে আইন-শৃঙ্খলা রক্ষাকারী বাহিনীকে অনুরোধ করা হলো।

বাস্তবায়নে : অফিসার ইনচার্জ, রাজবাড়ী থানা।

০৪. মাদক বিরোধী অভিযান : সহকারী পরিচালক, মাদক নিয়ন্ত্রণ অধিদপ্তর, রাজবাড়ী এর প্রতিনিধি সভাকে জানান যে, জুলাই/২০২২ মাসে ২৩টি অভিযান পরিচালনা করা হয়েছে। মামলা সংখ্যা-০৩, আসামী ০৩জন, উদ্ধারকৃত মাদক গাজা ২০০ গ্রাম। মাদক নিয়ন্ত্রণের লক্ষ্যে অভিযান অব্যাহত আছে। সমাজ থেকে মাদক নিয়ন্ত্রণ করতে হলে পরিবারিক সচেতনতা বৃদ্ধিসহ সামাজিক প্রতিরোধ গড়ে তুলতে হবে।

সিদ্ধান্ত : রাজবাড়ী সদর উপজেলার মাদক ক্রয়-বিক্রয় এর স্পটসমূহ চিহ্নিত ও মাদকের গডফাদারদেরকে গ্রেফতার করে আইনের আওতায় আনার লক্ষ্যে মাদকদ্রব্য নিয়ন্ত্রণ অধিদপ্তর, পুলিশ বিভাগ, র‍্যাব এবং স্থানীয় প্রশাসনের যৌথ উদ্যোগে নিয়মিত অভিযান পরিচালনার সিদ্ধান্ত গৃহীত হয়।

বাস্তবায়নে : অফিসার-ইন-চার্জ, রাজবাড়ী থানা, সহকারী পরিচালক, মাদকদ্রব্য নিয়ন্ত্রণ অধিদপ্তর, রাজবাড়ী সার্কেল ও সকল ইউ,পি চেয়ারম্যান।

০৫. উপজেলার সার্বিক আইন-শৃঙ্খলা পরিস্থিতি ও সংশ্লিষ্ট সকল বিষয় নিয়ে আলোচনা ও সিদ্ধান্ত:

সভাপতি অপরাধ চিত্র পর্যালোচনা করে বলেন যে, চলতি মাসে অপরাধ প্রবণতা হাস পেয়েছে। অতঃপর উপজেলার সার্বিক আইন-শৃঙ্খলা পরিস্থিতি ও উপস্থিত সকল সদস্য/সুধীজনের বক্তব্য ও মতামতের আলোকে নিম্নবর্ণিত আলোচনা ও সিদ্ধান্ত গৃহীত হয়।

ক্র:নং	আলোচনা	সিদ্ধান্ত	বাস্তবায়ন
৬.১	সিনিয়র উপজেলা মৎস্য অফিসার, রাজবাড়ী সদর, রাজবাড়ী সভায় বক্তব্য প্রদান করেন। তিনি জানান, মৎস্য সম্পদ রক্ষার্থে অভিযান পরিচালনা করে মিজানপুর, বাগমারায় চায়না দুয়ারি ও কারেন্ট জাল ধ্বংস ও ৩০০০/- টাকা জরিমানা করা হয়েছে। কারেন্ট জাল ও চায়না দুয়ারি এর আনুমানিক মূল্য ৭ লক্ষ টাকা। জেলে নিবন্ধনের লক্ষ্যে আবেদন আহবান করা হলে ১৮০০ আবেদন পাওয়া গেছে।	জেলে নিবন্ধনের কার্যক্রম নীতিমালার আলোকে বাস্তবায়ন করতে হবে।	উপজেলা সিনিয়র মৎস্য কর্মকর্তা, রাজবাড়ী সদর



	আবেদনসমূহের মধ্যে বরাট ইউনিয়নের ১৫৬টি আবেদন যাচাই অন্তে ৫৬ জনকে নির্বাচন করা হয়েছে। অন্যান্য ইউনিয়নের আবেদনসমূহ যাচাই এর কার্যক্রম চলমান আছে। অক্টোবর হতে মা ইলিশ সংরক্ষণ অভিযান পরিচালনা করা হবে। মা ইলিশ সংরক্ষণে সকলের সার্বিক সহযোগিতা প্রয়োজন।		
৬.২	উপজেলা আনসার ডিডিপি অফিসার, রাজবাড়ী সদর, রাজবাড়ী সভায় জানান যে, কার্যক্রম স্বাভাবিকভাবে চলছে। ডিডিপি মৌলিক প্রশিক্ষণ একটি চলমান প্রক্রিয়া। আগ্রহী ব্যক্তিগণকে পর্যায় ক্রমে এ প্রশিক্ষণ প্রদান করা হবে।	মৌলিক প্রশিক্ষণের বিষয়ে বহুল প্রচার করতে হবে।	আনসার ও ডিডিপি অফিসার, রাজবাড়ী সদর।
৬.৩	অধ্যক্ষ, রাজবাড়ী সরকারি আদর্শ মহিলা কলেজ, রাজবাড়ী সদর এর প্রতিনিধি সভায় জানান যে, কলেজ চলাকালীন পুলিশী টহল প্রদান করায় কলেজ এলাকার আইন-শৃঙ্খলা স্বাভাবিক।	পুলিশী টহল অব্যাহত রাখতে হবে।	অফিসার ইনচার্জ, রাজবাড়ী থানা
৬.৪	উপজেলা শিক্ষা অফিসার, রাজবাড়ী সদর, রাজবাড়ী এর প্রতিনিধি জানান যে, প্রাথমিক শিক্ষার গুণগতমান বৃদ্ধির লক্ষ্যে বিদ্যালয়সমূহ নিয়মিত পরিদর্শন করা হচ্ছে। রাজবাড়ী শহরের মস্তব প্রাথমিক বিদ্যালয়ে ছাত্র-ছাত্রীর সংখ্যা ৩০০০ হাজার। স্কুল ছুটির পরে ছাত্র-ছাত্রীদের রাস্তা পারাপারে জটিলতার সৃষ্টি হয়। স্কুল ছুটির সময় রাস্তায় ট্রাফিক পুলিশ থাকলে রাস্তা পারাপারে ছাত্র-ছাত্রীদের সুবিধা হবে।	স্কুল ছুটির সময় রাস্তায় ট্রাফিক পুলিশের মাধ্যমে সহযোগিতা প্রদানের ব্যবস্থা গ্রহণ করতে হবে।	অফিসার ইনচার্জ, রাজবাড়ী থানা
৬.৫	উপজেলা স্বাস্থ্য ও পরিবার পরিকল্পনা কর্মকর্তা, রাজবাড়ী সদর সভায় জানান যে, আগামী ২০-২৬ আগস্ট তারিখে সদর উপজেলার প্রাথমিক ও উচ্চ বিদ্যালয়ের ছাত্র-ছাত্রীদের নিয়ে চিকিৎসা কমিটি গঠন করা হবে। কোন ছাত্র-ছাত্রীকে অসুস্থ মনে হলে চিকিৎসার ব্যবস্থা করা হবে। বর্তমানে করোনা নিয়ন্ত্রণে আছে। শিশুদের টিকা প্রদানের কার্যক্রম গ্রহণ করা হয়েছে। শিশুদের টিকা প্রদান কার্যক্রম সফল বাস্তবায়নে সকলের সার্বিক সহযোগিতা প্রয়োজন। অন্যান্য কার্যক্রম স্বাভাবিক।	শিশুদের টিকা প্রদানের বিষয়টি বহুল প্রচার করতে হবে।	উপজেলা স্বাস্থ্য ও পরিবার পরিকল্পনা অফিসার, রাজবাড়ী সদর
৬.৬	উপজেলা সমাজসেবা অফিসার, রাজবাড়ী সদর সভায় জানান যে, প্রতিবন্ধী যাচাইএর কার্যক্রম চলমান আছে। অন্যান্য কার্যক্রম স্বাভাবিক।	নীতিমালার আলোকে প্রতিবন্ধী যাচাইএর কার্যক্রম বাস্তবায়ন করতে হবে।	উপজেলা সমাজসেবা অফিসার, রাজবাড়ী সদর
৬.৭	অধ্যক্ষ, রাজবাড়ী শ্রীপুর লজ্জাতুনমেছা কামিল মাদ্রাসা এর প্রতিনিধি জানান যে, মাদ্রাসা চলাকালীন সময়ে পুলিশী টহল প্রদান করায় ইভটিজিং বন্ধ হয়েছে। মাদ্রাসার সার্বিক পরিস্থিতি স্বাভাবিক।	শিক্ষা মন্ত্রণালয়ের নির্দেশনার আলোকে শ্রেণি কক্ষে পাঠদান কার্যক্রম অব্যাহত রাখতে হবে।	অধ্যক্ষ, রাজবাড়ী শ্রীপুর লজ্জাতুনমেছা কামিল মাদ্রাসা
৬.৮	জনাব মোঃ আশুর রব, চেয়ারম্যান, চন্দনী ইউনিয়ন পরিষদ জানান যে, চন্দনী ইউনিয়নের আইন-শৃঙ্খলা স্বাভাবিক থাকলেও মাঝে মাঝে চুরি হচ্ছে। চন্দনী ইউনিয়নের দায়িত্বে থাকা বিট পুলিশ অফিসারের কার্যক্রম আরো বৃদ্ধি করা হলে এলাকায় চুরিসহ অসামাজিক কাজ বন্ধ হবে।	নিয়মিত পুলিশী টহল প্রদান করতে হবে।	অফিসার ইনচার্জ, রাজবাড়ী থানা
৬.৯	জনাব কাজী সামসুদ্দিন, চেয়ারম্যান, বরাট ইউনিয়ন পরিষদ জানান যে, গত ৬ তারিখে রাতে কিছু সন্ত্রাসী অস্ত্রসহ এলাকায় প্রবেশ করলে বিষয়টি অফিসার ইন চার্জ, রাজবাড়ী থানাকে অবহিত করা হলে তাৎক্ষণিক এলাকায় পুলিশের টহল দল প্রবেশ করলে অস্ত্রধারীরা এলাকা ছেড়ে চলে যায়। পুলিশী টহলের ধারা অব্যাহত থাকলে এলাকার আইন-শৃঙ্খলার নিয়ন্ত্রণে থাকবে।	প্রয়োজনীয়তা সাপেক্ষে নিয়মিত পুলিশী টহল প্রদানের ব্যবস্থা করতে হবে।	অফিসার ইনচার্জ, রাজবাড়ী থানা
৬.১০	জনাব একেএম ইকবাল হোসেন, চেয়ারম্যান, খানখানাপুর ইউনিয়ন পরিষদ জানান যে, বিভিন্ন এলাকার সন্ত্রাসীরা সজাবদ্ধ হচ্ছে। চাঁদাবাজী বৃদ্ধি পেয়েছে। এলাকায় চুরি বৃদ্ধি পেয়েছে। মাদক নিয়ন্ত্রণে আনতে না পারলে আগামী প্রজন্ম ধ্বংস হয়ে যাবে। মাদক, চুরি, সন্ত্রাসীদের কার্যক্রম নিয়ন্ত্রণে রাখতে পুলিশী টহলের ধারা অব্যাহত রাখতে হবে।	পুলিশী টহলের ধারা অব্যাহত রাখতে হবে।	অফিসার ইনচার্জ, রাজবাড়ী থানা
৬.১১	জনাব মোঃ দেলোয়ার শেখ, চেয়ারম্যান, দাদশী ইউনিয়ন পরিষদ জানান যে, এলাকায় চুরি বৃদ্ধি পেয়েছে। একজন চোরকে পুলিশের নিকট দেয়া হয়েছে। পুলিশী টহলের ধারা অব্যাহত থাকলে আইন-শৃঙ্খলার নিয়ন্ত্রণে থাকবে।	পুলিশী টহলের ধারা অব্যাহত রাখতে হবে।	অফিসার ইনচার্জ, রাজবাড়ী থানা
৬.১২	জনাব মোঃ মজিবুর রহমান, চেয়ারম্যান, পৌচুরিয়া ইউনিয়ন পরিষদ জানান যে, সদর উপজেলার পৌচুরিয়া, দাদশী, বরাট ও খানখানাপুর এলাকায় নিষিদ্ধ ঘোষিত সন্ত্রাসী দলের লোকজনের ঘাট হিসেবে পরিচিত। কিছুদিন চুপ থাকারপরে পুনরায় সংঘবদ্ধ হচ্ছে। তারা যে কোন সময় অঘটন ঘটাতে পারে। সন্ত্রাসীদের বিরুদ্ধে দ্রুত আইনানুগ ব্যবস্থা গ্রহণ করা প্রয়োজন। পৌচুরিয়া বুকিপূর্ণ এলাকা হওয়ায় পুলিশ বিট পয়েন্ট ছিল। বর্তমানে বিট পয়েন্ট বন্ধ আছে। পুলিশের বিট পয়েন্ট চালুকরা হলে এলাকার আইন-শৃঙ্খলা নিয়ন্ত্রণে থাকবে।	সন্ত্রাসীদের বিরুদ্ধে দ্রুত আইনানুগ ব্যবস্থা গ্রহণ ও বিট পয়েন্ট চালু করতে হবে।	অফিসার ইনচার্জ, রাজবাড়ী থানা।
৬.১৩	জনাব জনাব মোঃ নূর মোহাম্মদ হুঁইয়া, চেয়ারম্যান, শহীদ ওহাবপুর ইউনিয়ন পরিষদ জানান যে, কিছু সন্ত্রাসী ক্রস ফায়ারে মারা গেলেও তাদের সহযোগিতা সংঘবদ্ধ হয়ে সন্ত্রাসী কার্যক্রম চালানোর চেষ্টা করছে। সন্ত্রাসী কার্যক্রম প্রতিরোধের লক্ষ্যে পুলিশী টহল অব্যাহত রাখতে হবে।	পুলিশী টহল অব্যাহত রাখতে হবে।	অফিসার ইনচার্জ, রাজবাড়ী থানা।
৬.১৪	বীর মুক্তিযোদ্ধা, জনাব আ: জলিল, উপজেলা মুক্তিযোদ্ধা কমান্ডার, রাজবাড়ী সদর সভায় জানান যে, প্রশাসনের সুন্দর ব্যবস্থাপনার কারণে আইন-শৃঙ্খলা স্বাভাবিক আছে। মাদক সেবক ও বিক্রেতাগণ জেল হাজতে গেলেও জামিনে এসে পুনরায় মাদক বাসার সাথে জড়িত হয়ে পড়ে। মাদকের বিরুদ্ধে অভিযান অব্যাহত রাখতে হবে।	মাদকের বিরুদ্ধে অভিযান অব্যাহত রাখতে হবে।	অফিসার ইনচার্জ, রাজবাড়ী থানা ও সহকারী পরিচালক, মাদকদ্রব্য নিয়ন্ত্রণ অধিদপ্তর, রাজবাড়ী।

(Handwritten signature)

৬.১৫	জনাব মোঃ রমজান আলী, সভাপতি, উপজেলা আওয়ামীলীগ ও চেয়ারম্যান, ইউসিসিএ লিঃ রাজবাড়ী সদর, রাজবাড়ী জানান যে, রাজবাড়ী সদর উপজেলার খানগঞ্জ, চন্দনী, মিজানপুর, বরাট, পাঁচুরিয়া, খানখানাপুর ইউনিয়ন সর্বহারাদের ঘাট হিসেবে চিহ্নিত ছিল। প্রশাসনের তৎপরতায় সর্বহারাদের কার্যক্রম বন্ধ ছিল। সন্ত্রাসীদের আত্মনা হিসেবে চিহ্নিত এলাকাসমূহে নিয়মিত পুলিশ অভিযান পরিচালনা করা হলে মাদক নিয়ন্ত্রণসহ আইন-শৃঙ্খলার উন্নতি হবে।	সন্ত্রাসীদের কার্যক্রম নিয়ন্ত্রণ ও মাদকের বিরুদ্ধে অভিযান অব্যাহত রাখতে হবে।	অফিসার ইনচার্জ, রাজবাড়ী থানা।
৬.১৬	জনাব কাজী আব্দুল কুদ্দুস বাবু, সহসভাপতি, রাজবাড়ী প্রেস ক্লাব, রাজবাড়ী সভাকে জানান যে, পদ্মা নদী থেকে বালু উত্তোলনকে কেন্দ্র করে অপ্রীতিকর ঘটনা ঘটেছে। নদী থেকে বালু উত্তোলনকে কেন্দ্র করে আইন-শৃঙ্খলা অবনতির সম্ভাবনা আছে।	নদী থেকে বালু উত্তোলনকে কেন্দ্র করে আইন-শৃঙ্খলার অবনতি না হয় সে বিষয়ে প্রয়োজনীয় ব্যবস্থা গ্রহণ করতে হবে।	অফিসার ইনচার্জ, রাজবাড়ী থানা।

০৭. জনাব রকিবুল হাসান পিয়াল, ভাইস চেয়ারম্যান, উপজেলা পরিষদ, রাজবাড়ী সদর সভায় জানান যে, রাজবাড়ী সদর উপজেলার কিছু এলাকা সর্বহারাদের ঘাট হিসেবে পরিচিত ছিল। প্রশাসনের তৎপরতায় সর্বহারাদের কার্যক্রম বন্ধ থাকলেও সামনে নির্বাচনকে কেন্দ্র করে অপকর্মের চেষ্টা করবে। অন্তরের মোড়ে অস্ত্রসহ যারা প্রবেশ করেছিল তারা পাবনা এলাকার সন্ত্রাসী, পদ্মা নদী থেকে বালু উত্তোলনের সময় ডেজার চালককে যারা গুলি করেছে তারাও পাবনা জেলার সন্ত্রাসী। আইন-শৃঙ্খলা নিয়ন্ত্রণের লক্ষ্যে সন্ত্রাসীদের বিরুদ্ধে আইনানুগ ব্যবস্থা গ্রহণ করতে হবে। তিনি আরো জানান যে, আগামী ১৫ আগস্ট, জাতীয় শোক দিবস যথাযথ মর্যাদায় উদযাপনের গৃহীত কর্মসূচি সফল বাস্তবায়নে সকলের সার্বিক সহযোগিতা প্রয়োজন।

০৮. জনাব এ্যাডভোকেট ইমদাদুল হক বিশ্বাস, চেয়ারম্যান, উপজেলা পরিষদ, রাজবাড়ী সদর সভায় বক্তব্য প্রদান করেন। তিনি জানান, দক্ষ প্রশাসন ও জন প্রতিনিধিদের আন্তরিকতার কারণে রাজবাড়ী সদর উপজেলার আইন-শৃঙ্খলা নিয়ন্ত্রণে আছে। চর দখল ও বালু খেঁকোদের পিছনে অপশক্তি কাজ করে। চিহ্নিত সন্ত্রাসীদের বিরুদ্ধে নিয়মিত অভিযান পরিচালনা করা হলে আইন-শৃঙ্খলা নিয়ন্ত্রণে থাকবে।

০৯. অফিসার ইন চার্জ, রাজবাড়ী থানা এর প্রতিনিধি জানান যে, রাজবাড়ী সদর উপজেলায় কর্মরত সকল কর্মকর্তা ও ইউনিয়ন পরিষদের চেয়ারম্যান ও সর্বস্তরের জনসাধারণের সার্বিক সহযোগিতার কারণে আইন শৃঙ্খলা নিয়ন্ত্রণে এসেছে। মাদক সেবক ও বিক্রয়কারীদের বিরুদ্ধে অভিযান অব্যাহত আছে। সর্বহারাদের বিরুদ্ধে কর্মপরিকল্পনা গ্রহণ করা হয়েছে। আইন-শৃঙ্খলা নিয়ন্ত্রণে রাখতে সবাইকে সচেতন ও তৎপর থাকতে হবে। মাদক নিয়ন্ত্রণে আনতে সম্মিলিতভাবে সামাজিক প্রতিরোধ গড়ে তুলতে হবে।

সভাপতি পরিশেষে সম্পূর্ণ সভার সারমর্ম তুলে ধরেন। তিনি সভায় আইন-শৃঙ্খলা উন্নয়নের লক্ষ্যে গঠনমূলক আলোচনায় অংশগ্রহণের জন্য সকলকে ধন্যবাদ জানান। মাটি কাটা বন্ধ, ইভটিজিং, জটকা নিধন ও মাদকের বিরুদ্ধে সামাজিকভাবে প্রতিবাদ, প্রতিরোধ ও সামাজিক সচেতনতা ও দায়বদ্ধতা বাড়াতে হবে। এলাকার সার্বিক উন্নয়নে কর্মকর্তাদের সার্বিক বিষয়ে সহযোগিতা করতে হবে। এছাড়া তিনি সকলের সহযোগিতায় রাজবাড়ী সদরের আইন-শৃঙ্খলা পরিস্থিতি সুষ্ঠু ও সুন্দর রাখার প্রত্যাশা ব্যক্ত করেন।

বিবিধ সিদ্ধান্ত :

- ইউনিয়ন পরিষদ চেয়ারম্যানগণ মাদকস্টপ ও মাদক কারবারীর টিকানা উল্লেখ করে অফিসার ইনচার্জ, রাজবাড়ী থানা বরাবর তালিকা দিবেন।
- রেজিস্ট্রেশন বিহীন মটর সাইকেল ও লাইসেন্স বিহীন চালকের নাম সুনির্দিষ্ট ভাবে অফিসার ইনচার্জ, রাজবাড়ী থানা বরাবর তালিকা দিবেন।
- ইউনিয়ন পরিষদ চেয়ারম্যানগণ স্ব স্ব এলাকার বাজারসমূহে সিসি ক্যামেরা স্থাপন ও রাতে পাহারা প্রদানের ব্যবস্থা গ্রহণ করবেন।
- এলাকায় সন্ত্রাসীরা প্রবেশ করলে তাৎক্ষণিকভাবে পুলিশকে অবহিত করতে হবে।

পরিশেষে আর কোন আলোচনার বিষয় না থাকায় সভাপতি সকলকে ধন্যবাদ জানিয়ে সভার সমাপ্তি ঘোষণা করেন।

Murhtar
5/10/22

(মার্জিয়া সুলতানা)

উপজেলা নির্বাহী অফিসার

ও

সভাপতি

উপজেলা আইন-শৃঙ্খলা কমিটি

রাজবাড়ী সদর, রাজবাড়ী।

টেলিফোন নম্বর : ০২৪৭৮৮০৭৪৭৩

e-mail : unorajbari@mopa.gov.bd

তারিখঃ ১৪/০৮/২০২২ খ্রি:।

স্মারক নং-০৫.৩০.৮২৭৬.০০০.০২.০০১.২২- ৭১৬(৪০)

অনুলিপি: সদয় অবগতির জন্য প্রেরণ করা হলো :

- জনাব আলহাজ্ব কাজী কেরামত আলী
মাননীয় জাতীয় সংসদ সদস্য, রাজবাড়ী -১
ও মুখ্য উপদেষ্টা, উপজেলা আইন শৃঙ্খলা কমিটি, রাজবাড়ী সদর, রাজবাড়ী।
- জেলা প্রশাসক, রাজবাড়ী।
- চেয়ারম্যান, উপজেলা পরিষদ ও উপদেষ্টা, উপজেলা আইন-শৃঙ্খলা কমিটি, রাজবাড়ী সদর, রাজবাড়ী।
অবগতি ও প্রয়োজনীয় ব্যবস্থা গ্রহণের জন্য প্রেরণ করা হলো :
- সহকারী প্রোগ্রামার, রাজবাড়ী সদর, রাজবাড়ীকে উক্ত কার্যবিবরণী এ কার্যালয়ের ওয়েব পোর্টালে প্রদানের জন্য অনুরোধ করা হলো।
- ০৫-৩৫। উপদেষ্টা/সদস্য, উপজেলা আইন শৃঙ্খলা কমিটি, রাজবাড়ী সদর, রাজবাড়ী।

Murhtar
5/10/22
উপজেলা নির্বাহী অফিসার
রাজবাড়ী সদর, রাজবাড়ী।